



Ultimas lavurs vi da la ruina Tschanüff

L'onn proxim vegn cumenzà cun la quarta e davosa etappa da la sanaziun da la ruina sur Ramosch.

7



geniessen Sie fangfrische Rheinforellen / Wildfang Müllerin Art oder Blau Wir freuen uns auf Sie!

CUCAGNA Restaurant
Via Alpsu 10, Disentis
081 947 44 44

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch

Fin dallas lavurs vid la punt da Versell en dus meins

■ (anr/hh) La fin d'october vegnan las lavurs da sanaziun dalla punt da Versell a Tavanasa terminadas. Ils cuosts persuerter ein calculai cun 910 000 francs. Primavera proxima intenda l'Uniu per salvar la punt da Versell a Tavanasa d'organisar in'inauguraziun dalla punt, cumbinada cun ina fiasta da giubileum da 90 onns digl edific. Persuerter ei previu in program cultural ed en vesta alla fiasta cumpara era in cudisch illustrau davart la punt ed il vitg da Tavanasa. L'uniu che ha salvau sia radunonza generala la sonda suentermiezdi a Danis dumbra rodund 180 commembas e commembas.

> PAGINA 5

In pèr da Sagogn sil Jungfrauoch

■ (anr/abc) Ei seigi stau ina decisiun spontana. Els fuvan stai inagada ella camona da Mönchsloch e da leu viandai encunter il Jungfrauoch. Per la davosa etappa dalla veta professionala havevan els tratg en consideraziun ina sfida communabla. Il matg ha la fundaziun publicau igl inserat ella revista «Die Alpen» dil Club alpin svizzer, sin quel ein Christine e Ruedi Käser da Sagogn s'annunzià. La fin da fenadur han els survegniu risposta positiva. 40 pèrs fuvan s'annunzià, il pèr da Sagogn ha retschert la piazza. Igl 1. da november 2017 entschivan Christine e Ruedi Käser lur sfida nova.

> PAGINA 4

Sairada musicala cun Men Steiner

■ (anr/fa) Il Museum d'Engiadina Bassa (MEB) a Scuol muossa fin in october l'exposiziun speciala cul titel „Engiadina Bassa chantà“. Ün accent special vegna dat pro quella al chantatur Men Rauch (1888-1958). Ün da quels chi ha cugnuschü amo a Rauch es Men Steiner. Ch'el haja survgnü plaschair a chantar s'accompagnond culla guitarra grazcha a las chanzuns da Men Rauch, as regordà'l. In venderdi passà ha el dat i'l tablà dal MEB ün concert cun chanzuns da Men Rauch e da sias chanzuns. El chi'd es oriund da Scuol ha eir quintà da sias algordanzas a Men Rauch. Üna sesantina da persunas es gnüda i'l MEB a tadlar il chant da Men Steiner.

> PAGINA 7

Investiziuns da 58 milliuns francs

Sper ils novs indrezs dallas pendicularas ei era previu nova infrastruttura da stad sil Mundaun

DA HANS HUONDER / ANR

■ Il territori entuorn il Mundaun duei daventar pli segirs da neiv e pli attractiv per la stad. Sper las sutgeras novas eis ei era previu d'extender la reit d'ennevar, migliurar la senda sil fil, optimar la purschida da bike e porscher aventuras. Las investiziuns ein calculadas cun 58 milliuns francs. Per finanziar novs indrezs d'ennevar sco era la purschida da stad cun cuosts da rodund 22 milliuns francs eis ei previu da fundar ina societad d'infrastructura. Sco quei che Roland Zegg dalla Grischconsulta ha orientau il venderdis a Glion eis ei previu da fundar ina tala cun ina participaziun dallas vischnauncas da Sursaissa Mundaun, Lumnezia e Glion sco era las pendicularas da Sursaissa e Mundaun. Tut en tut ston quellas metter a disposiziun in capital da 6,89 milliuns francs. Las treis vischnauncas decidan il settember, respectiv il november davart quei engaschament finanziar sco era davart garanzias per credits da cantun e confede-



Roland Zegg dalla Grischconsulta ha presentau il plan da master «Entuorn il Mundaun».

FOTO H. HUONDER

raziun. All'informaziun publica ha ei dau laud, mo era critica e resalvas enviars il project sco tal ni parts da quel. La quintessenza: U

investar per segirar entradas alla regiun ni desister d'in engaschament en favur da nova infrastruttura e munchentar il potenzial da

stad ed unviern ch'il Mundaun porscha.

> COMMENTARI E PAGINA 3

Segnas fa fiasta da 100 onns cun siu chor viril da baselgia

■ (anr/ff) Dapi entgin temps se-semtga il vitget da Segnas sin la fiasta centenara da siu chor da baselgia. Ils cantadurs envidan dumengia proxima tuts presents alla fiasta che vegn iniziada cun in survetsch divin en baselgia (allas 09.00). Il di da fiasta croda sin la perdanza e fiasta dil patr-un-baselgia sogn Roc. Suenter la messa, las honoraziuns dils cantadurs meriteivels e la processiu da s. Roc suonda in genter da fiasta en casa da scola ed en tenda sil plazscola.

Il dirigent dil chor, scolast Gion Tenner, ha redigiu ina cronica che cuntegn la historia dall'uniu. Quella dat perdetga d'ina viva activitad dils cantadurs sco era d'ina responsabladad per la veta sociala e culturala dil vitg. Sur 100 onns ha quella fatg fretg ella communidat. Ils 33 commembas actuals ein pertscharts che lur incarica prentenda vinavon dad els engaschament per la cultura e per ina buna convivenza a Segnas.

> PAGINA 4

Novas localitads per far musica

Scola da musica cun stanzas novas ella casa dalla Regiun Surselva a Glion

DA HANS HUONDER / ANR

■ Cun l'entschatta dil niev onn da scola sa la Scola da musica Surselva reter las localitads novas per l'instrucziun da musica a Glion. Ellas sesanflan el plaunterren dalla casa dalla Regiun Surselva. Las ovg stanzas che san per part era vegnir spartidas ein vegnidadas realisadas egl anteriur magasin e deposit. Ils locals

novs ein vegni construi sco elements, transportai el liug e lu stuschai en lur posiziun. Persuerter eis ei stau necessari d'arver parts dalla fatschada encunter sid. Las ovg stanzas ein concepidas en l'entorn e porschan aschia in'emperneivla atmosfera. Ils cuosts per quell'infrastructura nova importan rodund 600 000 francs. Aschia sesanflan ussa tuttas partiziuns e tuts uffecis dalla Regiun

Surselva ella casa alla Via dil Glogn che la Regiun Surselva ha cumprau avon rodund in onn e miez dalla Repower. La Scola da musica Surselva ha nezegiau ils davos onns localitads ell'antierura centrala da telefon dalla Swisscom a Glion. Era egl avegnir fa ella diever da locals ella casa da scola a Glion.

> PAGINA 2



Bialas stanzas ord l'entorn e cun bia glich stattan a disposiziun egl avegnir per l'instrucziun dalla Scola da musica Surselva.

FOTO H. HUONDER

COMMENTARI

Dapli autenticitad e persistenza

DA MARTIN CABALZAR

*T*ön ei cert! Il turissem ei ina impurtanta petga da nossa economia regionala e las pendicularas siu motor principal. Grazia ad ina solida basa finanziaria ein las pendicularas Sursaissa/Mundaun schizun hablas da finanziar la gronda part dallas investiziuns previdas ord agens mieds. Quei secca pescha buca da sesez ed ei da renconuscher.

E Masterplan Mundaun han las pendicularas e lur plans per seginar la stagiun d'unviern ina posiziun absolutamein dominanta. E quei malgrad che la midada dil clima e la reducziun dils skiunzs ein signals alarmants che duesen plitost intimar da far dapli stentas per promover il turissem da stad. Quei tonpli che natira, cumtrada e cultura ensiaran en nossa regiun in enorm potenzial aunc buca sfrutau. Cun buc in soli sulet plaid menziuna il «Masterplan» per semeglia ils products agricols, las bellezias naturalas e las purschidas culturalas sco Opera Viva, Open Air Lumnezia, Museum regional e Casa d'Angel per numnar mo entginas. Greina e Vrin (Premi Wakker) cun lur irradiaziun naziunala paran insumma buca d'exister sil radar dils experts turistics che focusseschan sulet sin Mundaun e Sezner. Las purschidas actualas savessen s'enteli aunc vegnir rinforzadas schils mieds disponibels vegnan reparti pli ulivamein sin stad ed unviern. Enstagl digl agen vegn propagau pistas da rodllar e tuors da termagliar, ideas importadas dil Tirol. La schanza da nies turissem ein autenticitad e persistenza e buca copiaturas da bienmarcau.

*I*l «Masterplan Mundaun» ei senza dubi in impurtant pass cumineivel ella dretga direcziun. Agir a moda prospectiva ei adina meglier che selamentar e reagir cu il tren ei gia partius. Tenor miu avis drova ei denton ina discussiun da basa pli vasta e profunda davart las finamiras turisticas cun metter in accent pli ferm sin la stagiun da stad ch'ei vegnida tralascjada memia diig.

martin.cabalzar@somedia.ch



10034

9 771424 749004

Servetsch d'abunents e da distribuziun: tel. 0844 226 226 mail: abo@somedia.ch